

板耕錄叙



未友之在陶君水朱
懸是二言之間者由
一塵也于松菊心苦
之暇其以筆墨自
隨時板耕休于松
陰抱膝而吟故後而
歌道事者聲振
葉上之貯一破卷
去則埋于松根矣

謂予如是志十載遂
累考至十有一日
散其衣保門人少
菜與銀之得凡若干
除去三十元題曰菊
二
村輟耕錄之真六經
百氏之旨下極釋官小
史之法昔之所未考
之所未聞之所未聞
之博偏于白帖研取

之精凝於世草詒
從抑揚有倚之概古之
田輔張生是美為忠臣
君子子之之動為彙制
度也此之明雅似折
三
授之覽與志善之庶宗
以本為門中之學之有
未讓陸周室之花露
子之學中有不待稷稼
而後去也其抑也子談

嘆以求賢于僂臺志就
水來之宗係少正系
子業魄乃嘉嘉志
闔戶著書此甚云云
至正丙午夏六月江
陰孫作大雅序

輟畊錄目

第一卷

大元宗室世系

列聖授受正統

氏族

平江南

獨松關

浙江潮

宋興亡

萬歲山

大軍渡河

檄

朝儀

科舉

江南謠

白道子

官不致仕

荅刺罕

輟畊錄

目

皇族列拜

內八府宰相

云都赤

大漢

貴由赤

昔寶赤

第二卷

聖聰

隆師重道

受佛戒

減御膳

聖儉

后德

端本堂

徵聘

治天下匠

以官為氏

受孔子戒

不食死

染髭

殺虎張

御史舉薦

切諫

丁祭

高學士

大黃愈疾

置臺憲

內御史署御

令史

臺字

詔西番

五刑

錢幣

巴而思

善諫

使交趾

刻名印

國璽

宣文閣

輟畹錄

二日

占驗

權臣擅政

懷孟蛙

賊臣攝祭

叛黨告遷地

土人作掾

蕭先生

端厚

弓字

第三卷

正統辯

貞烈

岳鄂王

木乃伊

第四卷

發宋陵寢

相術

前輩謙讓

不苟取

論詩

賢妻致貴

奇遇

賢烈

挽文丞相詩

禱雨

廣寒秋

無恙

不亂附妾

第五卷

角端

劈正斧

興隆笙

尚食麵磨

僧有口才

鄧中齋

輟咩錄

三月

汪水雲

厚德

毀前朝玉璽

披秉歌訣

三教

授時曆法

功布

人中

發燭

嫁故人女

平反

勘釘

碑志書法

雕刻精絕

題跋

隆友道

朱張

交誼

假宅以死

清風堂屍迹

坐右銘

掘墳賊

廉介

甲午節氣

先輩謙讓

雙竹杖

第六卷

蘭亭集刻

楔帖考

喪師衰經

法帖譜系

評帖

淳化祖石刻

家翁

奴才

沙魘

孝行

廉使長厚

私第延賓

輟畊錄

四目

句曲山房熟水

吾竹房先生

抗疏諫伐朱

髮臚

鬼賊

居士

官奴

寶晉齋研山圖

衛夫人

親家

梵嫂

房老

第七卷

趙魏公書畫

金鰲山

委羽山

斛銘

孝感

火失刺把都

屈戌

回回石頭

黃巢地藏

鴛衾

奚奴溫酒

掛牌延客

買宅有識

待士

雇僕役

志異

課馬

客作

鹹杭子

鷹背狗

官制資品

奎章政要

義奴

忠倡

志恠

粥爵

輟畊錄

五目

還金絕交

画鬼

第八卷

寫山水訣

鄧山房

狗站

五馬入門

隱逸

關節梯媒

利市

志苗

雙硯堂

嫁妾猶處子

聶碧窻詩

玉腴

蟹斷

作今樂府法

岷江綠

溫墩

飛雲渡

漢子

長年

龍見嘉興

星八月

軍中禮士

不耐煩

阿誰

第九卷

文章宗旨

麻荅把曆

續演雅發揮

面花子

奇疾

磨毘鞞

葛大哥

萬柳堂

樹鳴

松江官號

輟畊錄

六目

割執

題屏謝客

婚啓

陶母碑

許文懿先生

謠言

獸醫

想肉

王眉姿

錢塘

漱芳亭

食品有名

火災

落水蘭亭

陰府辯詞

詩法

姓名考

女諫買印

吳江塔顛箭

素領

第十卷

御史五常

官倉入粟

食物相反

先輩諧諱

馬判

字訓

丘真人

南池毒

鴈子

趁辦官錢

鼎作牛鳴

麀糟

越民考

三姑六婆

不中用

國字

水畜

纏足

輟味錄

七

溺水不躍

鎖陽

輓吝論三卦

烏蚤戶

重臺

日子

第十一卷

寫像訣

相地理

狎媚遭毒

夢

白醉

賢母辭拾遺鈔

女奴義烈

龍廣寒

夜航船

不快

雷雪

分疏

西皮

煖屋

鬼室

牙郎

墓屍如生

枯井有毒

賢孝

事物異名

金銳刺肉

杭人遭難

承天閣

阿瘡瘡

海運

夫婦死孝

猪妖

第十二卷

園池記

廁籌

輟畊錄

八自

枸花

連枝秀

卻鞭

奉母避難

匠官仁慈

著衣喫飯

文章政事

浙江潮候

貞烈墓

特健藥

乞求

張道人

陰德延壽

帝師

第十三卷

中書鬼案

烏寶傳

綠窻遺藁

為將嗜殺

釋怨結姻

杜荀鶴詩

太公

剛介

發墓

第十四卷

忠烈

瘞鶴銘

風入松

四卦

點鬼錄

房中術

婦女曰娘

古刻

上頭入月

人腊

張翰林詩

輟畔錄

九日

第十五卷

淳化閣帖

幽園

煮豆帖

妓妾守節

與妓下火文

賀人妾得子啓

弔四狀元詩

雜妖

胡烈女

毒獄

沁園春

恭敏坊

隱趣

日書三萬字

妓出家

河南王

妖異

塔影入屋

錢唐懷古詞

人命至重

度量宏深

高麗氏守節

寒號蟲

鄧思賢

醫科

第十六卷

陶氏二譜

藥譜

世系

第十七卷

古銅器

石敢當

方頭

七十二

輟畊錄

十目

旃檀佛

傳席

歸婦吟

穿耳

丫頭

點心

奴婢

溫瓶

天子爭臣

孀姑

黃金縷

哨遍

花蕊夫人

崔麗人

江浙省地分

改常

第十八卷

敘畫

記宋宮殿

廉察

宣髮

檄書露布

鞞鞞

書手

第十九卷

脈

四司六局

稽古閣

經紀

龐居士

宋朝家法

關駕上書

錢武肅鐵券

射字法

神人獅子

至元鈔樣

妓聰敏

輟時錄

十日

日無光

松江志異

郡縣君

面不畏寒

第二十卷

納音

化氣

應聘不遇

皇舅墓

真率會

珠簾秀

漢兒字聖旨

碧瀾妾

箕仙咏史

夫婦同棺

宋幼主詩

孔椽史

挽文教授詩

狷潔

鴈書

碑刻印識

九姑玄女課

白翎雀

天下士

第二十一卷

官闕制度

公宇

喝盞

碧珠示識

第二十二卷

聖門弟子

黃河源

皇太子署牒

禽戲

虎禍

河南婦死

輟畊錄

十二

玉堂嫁妓

數識

戎顯再生

算命得子

夫婦入道

項節婦

西域奇術

童子屬對

先輩風致

司馬善諫

俞竹心

犬脅生子

第二十三卷

書畫標軸

爐鳴

田夫人

噪

金蓮杯

大佛頭

揚州白菜

謫誕有配

檢田吏

玉鹿盧

猴盜

盜有道

預知改元

醉太平小令

譏省臺

造物有報復

鎖鎖

葉氏還金

傅氏死義

武官可笑

鞠獄

聖鐵

鬼爺爺

死護文廟

第二十四卷

輟畊錄

十三

結交重氣義

帝廷神獸

勾闌壓

鵝鴿傳書

待士鄙吝

陳公子

漢魏正閏

剛邪

倜儻好義

道士壽函

餽飽方

精塑佛像

繆孝子

趙孝子

王義士

水水

龍湫獻靈

王一山

誤墮龍窟

雞司晨有準

黃道婆

天隕魚

十二生子

劉節婦

歷代醫師

第二十五卷

論秦蜀

院本名目

遁母

天竺觀音

第二十六卷

傳國璽

瑞應泉

疑冢

盧橘

五龍車

伏波將軍

輟畊錄

白十四

至元鈔料

離傳

三瓦戒

酸齋辭世詩

高昌世家

后德

文宗能畫

武當山降筆

箕仙有驗

詩畫題三絕

浙西園苑

吳江長橋

第二十七卷

四位配享封爵

金果

李哥貞烈

劉節婦

病潔

雜劇曲名

唱論

莊蓼塘藏書

買假山

戴氏絕嗣

妓妾守志

譏伯顏太師

譏方士

燕都賦

裱背十二科

厲狄

旗聯

桃符讖

金甲

蘭節婦

忠孝里

胡仲彬聚衆

扶箕詩

第二十八卷

輟畊錄

目十五

非程文

于闐玉佛

處士門前怯薛

憲僉案判

詩讖

丘機山

不孝陷地死

嘲回回

白縣尹詩

廢家子孫詩

樂曲

蕪梅花文

如夢令

黃門

花山賦

爵祿前定

醋鉢兒

棋譜

軍前請法師

凌總管出對

承天寺

義丈夫

解語杯

戲題小像

水仙子

銅錢代著

刑賞失宜

畫家十三科

第二十九卷

紀隆平

降真香

宋二十二帝

字音

許負

李玉溪先生

稱地爲雙

骨咄犀

一門五節

一門三節

輟畊錄

十六

黃龍洞

黏接紙縫法

井珠

一錢太守廟

全真教

馬孝子

楊貞婦

壺器

墨

斲琴名手

古琴名

戲語

日家安命法

淮渦神

寄衣

第三十卷

印章制度

銀工

祖孝子

白月園文

金靈馬

髹器

只孫宴服

三教一源圖

銀錠字號

學宮講說

松江之變

果典坐

詩識

書畫樓

物必遇主

鎗金銀法

磨兜堅箴

三笑圖

官制字訛

巾幘考

履舄履考

輟畊錄

目
十七

輟畊錄卷第一

南村 陶

宗儀

大元宗室世系

脫奔咿哩健妻

博寒葛

林昔黑刺

阿蘭果火太后

博合觀撒里吉

禿哈必畜

始祖孛端义兒

咿麻篤敦

既拏篤兒罕

海都

某某某

輟畊錄

第一卷

某某某

納真今兀察兀禿其子孫也

拜住忽兒子

敦必乃子

葛木虎今那哈合兒其子孫也

直拏斯

葛忽刺急里恒

察刺罕寧兒

兀大

合產今小八魯刺其子孫也

收兒拜住忽兒妻生一子

哈刺刺歹今博歹阿替其子孫也

獠忽真兀禿迭葛

葛赤渾今阿答里急其子孫也

今昔即兀刺其子孫也

葛不律子

笛不斤八剌哈哈

今岳斯斤
其子孫也

八里丹

罕

忽都魯咩聶兒

忽魯刺罕

合丹八都兒

撥端幹赤斤

急關八都兒

庶子

蒙哥睹黑頰

聶昆大司

烈祖神元皇帝

諱也速該姓
奇溫溫氏

荅里真

朮赤太子

察合台太子

太宗皇帝

睿宗皇帝

元魯赤太子

輟咩錄

太祖皇帝

第一卷

果里干太子

即缺劉堅

拔都王

撒里荅王

忙哥帖木兒王

脫脫蒙哥王

寧肅王脫

伯忽王

月即列王

也速蒙哥王

肅王寬徹

札尼列王

阿魯忽王

八刺王

威遠王阿只吉

帖木兒不花王

忽察王

腦忽歹太子

交王買住韓

威遠王忽都帖木兒

赤因帖木兒

越王禿剌

南荅失里王

赤兒監藏王

完者也不干王

南平王禿魯

合刺旭烈王

木忽王

也速不花王

定宗皇帝

滅里吉歹王

亦憐王

濶端太子

蒙哥都王

汾陽王別帖木兒

曲出太子

只必帖木兒王

荆王也速不

哈刺察兒王

帖必烈王

孛羅赤王

合昔歹王

曲列魯王

靖遠哈歹

合丹王

昔列門太子

襄寧王阿魯灰

滅里王

脫脫王

襄寧王也速不

海都王

月別台

覲爾赤王

沙藍朶兒只

輟冊錄

第一卷

也不干王

汝寧王察兒

也迭兒王

汝寧王著帖木兒

也孫脫王

汝寧王忽利台

火你王

小薛王

脫忽王

星吉班王

班禿王

隴王火郎撒

阿連歹王

咬住王

玉龍荅失王

火你王

憲宗皇帝

撒里吉王

俺都刺王

衛王完澤

愛牙赤王

忽觀都

郟王胤胤禿

陽翟王夸

河平王背里吉

陽翟王禿滿

兀魯思不花王

陽翟王曲春

拜王晃尖帖木兒

陽翟王帖木兒赤

嘉王火你忽

顯宗皇帝

蒼沙赤思的王

梁王松山

辯都

泰定皇帝

朶兒只

一作都
見真

湘寧王迭里哥兒禿

湘寧王剌失里

裕宗皇帝

順宗皇帝

輟畊錄

第一卷

魏王阿木哥

脫不花王

蠻子王

西靖王阿魯

魏王魯帖克

唐兀台

蒼兒蠻失里王

李羅王

武宗皇帝

明宗皇帝

輟附錄

第一卷

今上皇帝

寧宗皇帝

皇子愛猷璽

買的里八剌

文宗皇帝

皇子阿剌忒納剌

燕帖古思太子

太平訥太子

仁宗皇帝

英宗皇帝

安王都思不花

成宗皇帝

皇太子德壽

安西王阿難荅

秦王按檀不花

月魯帖木兒

營王也先帖木兒

脫歡不花太子

脫魯太子

阿不干王

愛牙赤王

世祖皇帝

李顏帖木兒王

也古的不花王

西平王奧魯赤
鎮雷武靖王也先帖木兒花

雲南王老的罕

武靖王搠思班

乞八王

亦只班王

豫王阿感納查

鎮南王帖木不花

鎮南王孛羅不花

輟畊錄

第一卷

鎮南王脫歡

威順王寬徹不花

忽都魯帖木兒

宣讓王帖木兒不花

阿不也不干王

阿八哈王

阿魯王

靖遠王合贊

康平哈兒班

幽王出伯

幽王喃忽里

旭烈兀王

亦憐真孛兒只王

脫脫木兒王

輟畊錄

第一卷

阿里不哥王

威定王 玉木忽爾

乃刺忽不花王

某

亦憐真的王

魏王 孛顏帖木兒

完者帖木兒王

冀王 孛羅

鐵木兒脫

定王 樂木忽兒

某

燕大王

鎮寧王 那

刺甘失甘王

撥綽王

薛必烈傑兒王

楚王 牙忽都

楚王 脫烈鐵木兒

楚王 八都兒

燕帖木兒王

速哥帖木兒王

朶羅不花王

伯帖木兒王

永寧王 伯顏朶兒

末哥王

昌童王

歲都哥王

速不歹王

荆王 脫脫木兒

哈魯孫王

雪别台王

某

荆王也達不堅

月魯帖木兒

買間也先

河間王忽察

忽魯歹王

也不干王

八八王

八八刺王

安定王脫歡

允脫恩脫木兒王

合賓帖木兒王

伯荅罕王

輟咩錄

第一卷

淄王擲路撒兒

淄川王也昔

安定王系兒孛

愛哥阿不干王

勢都兒王

脫忽王

移相哥王

齊王八不沙

必烈虎王

黃兀兒王

伯木兒王

齊王龍帖木兒

別兒帖木兒王

濟王哈赤温

濟南王按只吉歹

哈丹

隴王忽刺出

察忽列王

濟南王也里只

忽列虎兒王

吳王木喃子

吳王朶列紐

濟陽王潑皮

阿木魯王

愛牙哈赤王

塔察兒王

鐵木哥幹赤國王

即幹真那顏

幹端王

只不干王

輟畀錄

第一卷

壽王乃蠻台

也不干王

兀刺兒吉亥王

奧速海王

察刺海王

孛羅反王

西靈王撒魯蠻

卯罕王

本伯王

也只王

廣寧王別里吉哈
即寧魯亥

也速不花王

不只只王
廣陵王瓜都

帖木兒王
乃顏王

脫鐵木兒王

口温不花王

滅里吉歹王

潢察王

抹扎兒王

撒里蠻王

闊闊出王

輟畊錄

第一卷

罕老忽王

定王薛徹干
定王察兒台
瓮吉刺歹王

霍力極王
塔出王

火納耶耶

小哥王

寧王濶濶出

也里干王
哈魯罕王

寧海王亦思蠻

寧海王拔都兒

寧海王阿海

列聖授受正統

始祖

諱李端义兒

烈祖神元皇帝

諱也速該姓奇渥温氏

太祖應天啓運聖武皇帝

諱鐵木真國語曰成吉思

宋開禧二年丙寅十二月卽位于幹難河自號可

汗至宋寶慶三年丁亥七月己丑崩于薩里川在

位二十二年壽六十六葬起輦谷

太宗英文皇帝

諱窩闊台

宋紹定二年己丑八月己未卽位于忽魯班雪不

只至宋淳祐元年辛丑十一月崩于胡闌山在位

輟畊錄

第十一卷

一十三年壽五十六葬起輦谷 六皇后禿里吉

納臨朝稱制皇后乃馬真氏

睿宗仁聖景襄皇帝

諱愜雷

憲宗追諡

定宗簡平皇帝

諱貴由

宋淳祐二年壬寅至乙巳皇后當國丙午七月歸

政卽位于荅蘭荅八思至戊申三月崩于胡眉斜

陽吉兒在位三年壽四十三葬起輦谷皇太后禿

里吉納復治國事

憲宗桓肅皇帝

諱蒙哥

宋淳祐十一年辛亥六月即位于濶帖兀阿蘭至
宋開慶元年己未七月二十七日癸亥崩于釣魚
山在位九年壽五十

世祖聖德神功文武皇帝

諱忽必烈國語曰薛禪

宋景定元年庚申四月一日戊辰即位于開平建
元中統至至元三十一年甲午正月十九日庚午
崩于紫檀殿在位三十五年壽八十葬起輦谷

中統四 至元三十一

裕宗文惠明孝皇帝

諱真金

成宗追謚

輟畔錄

第十二卷

順宗昭聖衍孝皇帝

諱荅刺麻八剌

武宗追謚

成宗欽明廣孝皇帝

諱鐵木耳國語曰完者篤

至元三十一年甲午四月十四日甲午即位于上
都改至元三十二爲元貞至大德十一年丁未正
月八日癸酉崩于玉德殿在位十三年壽四十二
葬起輦谷 元貞二 大德十一

武宗仁惠宣孝皇帝

諱海山國語曰曲律

大德十一年丁未五月十一日甲戌即位于上都
十二月詔改大德十二爲至大至四年辛亥正月

八日庚辰崩于玉德殿在位四年壽三十一葬起輦谷 至大四

仁宗聖文欽孝皇帝

諱愛育黎拔力八達國語曰普顏篤

至大四年辛亥三月十八日庚寅即位于大明殿九月壬子詔改至大五為皇慶至延祐七年庚申正月二十一日辛丑崩于光天宮在位九年壽三十六葬起輦谷 皇慶二 延祐七

英宗睿聖文孝皇帝

諱碩德八剌國語曰華堅

延祐七年庚申三月十一日庚寅即位十二月乙巳詔改延祐八為至治至三年癸亥八月四日癸

輟咍錄

第十一卷

亥遇弒崩于上都途中南坡行幄在位四年壽二十一從葬諸帝陵 至治三

顯宗光聖仁孝皇帝

諱井刺麻

泰定追謚今出廟

泰定皇帝

諱也先帖木兒元封晉王

至治三年癸亥九月四日癸巳即位于上都龍居

河十二月丁亥昭改至治四為泰定至五年戊辰

二月庚申改致和七月十日庚午崩文宗追廢在

位五年壽二十六 泰定四 泰定伍 改致和

文宗即改天曆

明宗翼獻景孝皇帝

諱和世剌國語曰念都篤

天曆二年己巳正月二十八日丙戌即位于和寧北八月二日大駕次王忽察都六日暴崩不改元在位八月壽三十葬起輦谷

文宗聖明元孝皇帝

諱脫脫木兒國語曰扎牙篤

致和元年戊辰九月十三日壬申即位于大明殿改元天曆詔讓大兄明宗明年己巳五月帝發京師北迎八月二日丙戌遇於忽察都庚寅明宗暴崩己亥復即位于上都至三年庚午五月戊午改至順至三年壬申八月十二日己酉崩在位五年

輟畹錄

第十四卷

壽二十九葬起輦谷後至元六年庚辰六月丙申以帝謀不軌使明宗飲恨而崩詔撤其廟主天曆二 至順三

寧宗沖聖嗣孝皇帝

諱懿璘質班

至順三年壬申十月四日庚子即位于大明殿至十一月十六日壬午崩不改元年七歲葬起輦谷今上皇帝 御名妥歡帖睦爾

至順四年癸酉六月八日己巳即位于上都十月戊辰改元元統至三年乙亥十一月辛丑改至元至七年正月一日改至正 元統二 至元六

至正今二十六年

氏族

蒙古七十二種

阿刺刺

扎刺兒歹

忽神忙兀歹

瓮吉刺歹

晃忽攤

永吉列思

兀魯兀

郭兒刺思

別刺歹

怯烈歹

秃別歹

八魯刺忽

曲呂律

也里吉斤

扎刺只刺

脫里別歹

塔塔兒

哈塔吉

散兒歹

乞要歹

列木歹

輟咩錄

第一卷
十五

顏不花歹

歹列里養賽

散木兀歹

滅里吉歹

阿大里吉歹

兀羅歹

別帖里歹

蠻歹

也可抹合刺

那顏吉歹

阿塔里吉歹

亦乞列歹

合忒乞歹

木里乞

外兀歹

外抹歹

阿兒刺歹

伯要歹

担古歹

外刺歹

末里乞歹

許大歹

晃兀攤

別速歹

顏不草歹

木温塔歹

忙兀歹

塔塔歹

那顏乞台

阿塔力吉歹

忽神

塔一兒

兀魯歹

撒木歹

滅里吉

阿火里力歹

扎馬兒歹

兀羅羅歹

別帖乞乃蠻歹

荅荅兒歹

也可林合刺

瓮吉歹

木里歹

忙古歹

外林歹乃

朶里別歹

入憐

察里吉歹

八魯忽歹

哈荅歹

外刺

色日三十一種

吟刺魯

欽察

唐兀

阿速

秃八

康里

輟咩錄

第一卷
十六

苦里魯

刺乞歹

赤乞歹

畏吾兀

回回

乃蠻歹

阿兒渾

合魯歹

火里刺

撒里哥

秃伯歹

雍古歹

審赤思

夯力

苦魯丁

貴赤

匣刺魯

秃魯花

哈刺吉荅歹

拙兒察歹

秃魯八歹

火里刺

甘木魯

徹兒哥

乞失迷兒

漢人八種

契丹

高麗

女直

竹因歹

木里濶歹

竹温

竹亦歹

渤海 女直同

金人姓氏

完顏漢姓曰王

烏古論曰商

乞石烈曰高

徒單曰杜

女奚烈曰郎

兀顏曰朱

蒲察曰李

顏蓋曰張

温迪罕曰温

石抹曰蕭

奧屯曰曹

孛術魯曰魯

移剌曰劉

斡勒曰石

納剌曰康

夾谷曰全

裴滿曰麻

尼忙古曰魚

輟畊錄

第一卷
十七

斡准曰趙

阿典曰雷

阿里侃曰何

温敦曰空

吾魯曰惠

抹顏曰孟

都烈曰強

散答曰駱

呵不哈曰由

烏林荅曰蔡

僕散曰林

术虎曰董

古里甲曰汪

平江南

至元十一年甲戌宋之咸淳十年也秋七月世祖命中

書右丞相伯顏總制大軍取宋諭之若曰朕聞曹彬

不嗜殺人一舉而定江南汝其體朕心法彬事毋使

吾赤子橫罹鋒刃伯顏叩首奉命惟謹既而混一職

方豈非不嗜殺人之驗與

獨松關

明年乙亥春諸郡望風降敗丞相伯顏遣員外郎石天麟詣闕奏聞世皇喜顧謂侍臣曰朕兵已到江南宋之君臣必知畏恐茲若遣使議和邀索歲幣想無不從者遂勅伯顏按兵乃命禮部尚書廉希賢侍郎嚴忠範計議官宋德秀秘書丞柴紫芝等齋奉國書使宋次建康希賢等借兵衛送伯顏曰方今兩軍相昵互有設險宜令人先往道意若便擁兵前進吾恐別生罅隙則和議之事必難成矣希賢等堅請乃簡輟

輟

第十八卷

閱銳卒伍百昇之至獨松關戍關者宋浙西安撫司參議官張濡也以爲北兵叩關率衆掩擊殺忠範執希賢希賢亦病創死世皇聞之大怒趣進攻嗟夫宋之亡也非有桀紂之惡特以始之以拘留使者肇天兵之興終之以誤殺使者激世皇之怒耳藉使獨松之使不死宋之存亡未可知其亦有數也與

浙江潮

明年正月甲申丞相伯顏駐軍臯亭山宋奉表及國望以降遣千戶囊加歹等入城慰諭令居民門首各貼好投拜三字及聞益王廣王如婺州即命分兵屯守

諸門范文虎安營浙江沙滸太皇太后望祝曰海若有靈當使波濤大作一洗而窒之潮汐三日不至軍馬宴然文虎呂文煥壻安慶守臣降於我者

宋興二

宋之興始於後周恭帝顯德七年恭帝方八歲及其二也終於少帝德祐元年少帝時四歲名顯而顯德二字竟與得國時合周以至幼而失國宋亦以至幼而失國周有太后在上宋亦有太后在上始終興亡之數昭然如此

萬歲山

輟畊錄

第一卷
十九

萬歲山在大內西北太液池之陽金人名瓊花島中統三年修繕之其山皆以玲瓏石疊壘峰巒隱映松檜隆鬱秀若天成引金水河至其後轉機運甌汲水至山頂出石龍口注方池伏流至仁智殿後有石刻蟠龍昂首噴水仰出然後東西流入于太液池山上有廣寒殿七間仁智殿則在山半爲屋三間山前白玉石橋長二百尺直儀天殿後殿在太液池中圓坻上十一楹正對萬歲山山之東也爲靈囿奇獸珍禽在焉車駕歲巡上都先宴百官于此浙省參政赤德爾嘗云向任留守司都事時聞故老言國起起朔漢日

塞上有一山形執雄偉金人望氣者謂此山有王氣非我之利金人謀欲厭勝之計無所出時國已多事乃求通好入貢旣而曰他無所冀願得某山以鎮壓我土耳其衆皆鄙笑而許之金人乃大發卒鑿掘輦運至幽州城北積累成山因開挑海子栽植花木營構宮殿以爲遊幸之所未幾金亡世皇徙都之至元四年興築宮城山適在禁中遂賜今名云留守司在宮城西南角樓之南專掌宮禁工役者

大軍渡河

世皇取江南大軍次黃河苦乏舟楫夜夢一老叟曰陛下輟畊錄

第一卷
二十一

下欲渡河當隨我來引至一所指曰此即是已帝遂以物標識之乃覺歷歷可記明日循行河澣尋夢中所見處果是方驚顧間忽有人進曰此間水淺可渡時帝徵夢中語因謂曰汝能先涉否其人乃行大軍自後從之無一不濟帝欲重旌其功對曰富與貴悉非所願但得自在足矣遂封爲答刺罕與五品印撥三百戶以食之今其子孫尚有存者此事楊元誠太

史瑀所云

檄

世皇下江南檄枚舉賈似道無君之罪宋國臣民其不

誠服者與其文曰宅中圖大天開一統之期自北而南雷動六師之衆先謂弔民而伐罪蓋將用夏而變夷欲制江浙以削平極汝海隅而混一堪嗟此宋信任非人處之師相之尊委以國柄之重世濟其惡真兇悖之賈充謀及廼心效姦雄之曹操不學無識舞弊弄權誇滸黃僅免其身比河清莫大之績承君之寵如彼之專貪天之功確乎不拔惜官爵以總寶貨苛條法以苦賢才奪土田而無地可耕變關會而物價溢湧藉鄙猥者伴食於廟堂任反側者失兵於邊徼恬視雷星之召異罔聞水火之降災滿朝皆其私

人用將因其重賂用白劄而破世守之法曲丹筆而容天討之刑民心已離而不知天命將革而未悟方且貪湖山之樂聚寶玉之珍弗顧母死奪制以貪榮乃乘君寵立幼而固位以已峻功碩德而自比於周公欺人寡婦孤兒反不如於石勒深懷禍慝自肆奸邪合正兩觀之誅可紓百姓之怒我大元皇帝聰明智睿神武慈仁焚香祝天誓莫殺而混海宇振兵畧地隨所向而宣皇威一戰乘勝而渡江諸將列降而獻土厥角稽首迎我前矛後實先聲易如破竹昭天順人信之助成我風行草偃之功合宇宙以清寧蘇人

民而鎮撫恩寬幼主以下罪止元惡之身自今檄到
應守令以境土投拜除大支犒賞外仍其官職謹檄
朝儀

大元受天命肇造區夏列聖相承至于世皇至元初尚
未遑興建宮闕凡遇稱賀則臣庶皆集帳前無有尊
卑貴賤之辨執法官厭其喧雜揮杖擊逐之去而復
來者數次翰林承旨王文忠公般時兼太常卿慮將
貽笑外國奏請立朝儀遂如其言

科舉

皇慶癸丑冬十一月詔曰其以皇慶三年八月天下郡

輟畊錄

第一卷
二十二

縣興其賢者能者充賦有司明年二月會試京師中
選者朕將親策焉按遺山元公好問所撰廉訪使楊

文憲公真墓碑云太宗即位之十年戊戌開舉選特

詔宣德課稅使劉公用之試諸道進士公試東平兩
中賦論第一奏授河南路徵收課稅所長官兼廉訪
使則國朝科舉之設已肇於此寥寥七十餘年而普
顏篤皇帝克不墜祖宗之令典尊號曰仁不亦宜乎
初焉試論賦蓋反宋金餘習後則一以經學爲本非
復向時比矣

汲郡王公玉堂嘉話云宋未下時江南謠云江南若破
百鴈來過當時莫喻其意及宋亡蓋知指丞相伯顏
也

白道子

太宗時諸國來朝者多以冒禁應死耶律文正王楚材

進奏曰願無汙白道子從之蓋國俗尚白以白為吉
故也

官不致仕

大德七年詔內外官年及七十並聽致仕時郭守敬字

若思順德邢臺人知太史院事以舊臣且熟朝廷所

輟畷錄

第一卷
二十三

施為獨不許其請至今翰林太史司天官不致仕者

咸自公始

荅刺罕

荅刺罕譯言一國之長得自由之意非勲戚不與焉太

祖龍飛曰朝廷草創官制簡古惟左右萬戶次及千

戶而已丞相順德忠獻王哈刺哈孫之曾祖啓昔禮

以英材見遇擢任千戶錫號荅刺罕至元壬申世祖

錄勲臣後拜王宿衛官襲號荅刺罕

皇族列拜

己丑秋八月太宗即皇帝位耶律文正王時為中書令

定冊立儀禮皇族尊長皆令就班列拜尊長之有拜禮蓋自此始

內八府宰相

內八府宰相八員視二品秩而不降授宣命特中書照會之任而已寄位於翰林之埽隣埽隣官門外院官會集處也所職視草制若詔赦之文則非其掌也至於院之公事亦不得與焉例以國戚與勳貴之子弟充之

云都赤

國朝有四怯薛太官怯薛者分宿衛供奉之士爲四番

輟畊錄

第一卷
第二十四

番三晝夜凡上之起居飲食諸服御之政令怯薛之長皆總焉中有云都赤乃侍御之至親近者雖官隨朝諸司亦三日一次輪流入直負骨朶於肩佩環刀於要或二人四人多至八人時若上御控鶴則在墀陛之下蓋所以虞姦回也雖宰輔之日覲清光然有所奏請無云都赤在固不敢進今中書移咨各省或有湏備錄奏文事者內必有云都赤某等以此之故余又窵骨朶字義嘗記宋景文筆記云關中人以腹大爲胍朶上音孤下音都俗音謂杖頭大者亦曰胍朶後譌爲骨朶朶平聲

大漢

國朝鎮殿將軍募選身軀長大異常者充凡有所請給名曰大漢衣糧年過五十方許出官

貴由赤

貴由赤者快行是也每歲一試之名曰放走以脚力便捷者膺上賞故監臨之官齊其名數而約之以繩使無後先參差之爭然後去繩放行在大都則自河西務起程若上都則自泥河兒起程越三時走一百八十里直抵御前俯伏呼萬歲先至者賜銀一餅餘者賜段匹有差

輟咩錄

第一卷
二十五

昔寶赤

昔寶赤鷹房之執役者每歲以所養海有獲頭鶩者賞黃金一錠頭鶩天鶩也以首得之又重過三十餘斤且以進御膳故曰頭

輟耕錄卷第二

聖聰

至元六年二月二十五日上御玉德殿命史臣榻前草
詔黜謫太師伯顏詔文有云其各領所部詔書到日
悉還本衛上曰自蚤至暮皆一日也可改日字作時
字時伯顏以飛放爲名挾持皇太子在柳林意將犯
分詔旣成遣中書平章只理瓦歹齋至彼處開讀奉
皇太子歸國而各枝軍馬即時散去盖一字之中利
害繫焉竄聰明作元后於此有以見之矣

隆師重道

輟耕錄

第二卷

文定王

沙刺班

今上之師也爲學士時嘗在上左右一

日體少倦遂於便殿之側偃臥因而就寐上因以籍
坐方褥國語所謂朶兒別真者親扶其首而枕之後
嘗患廊額上上於金鉢中取佛手膏躬與貼之上之
隆師重道可謂至矣盡矣王字敬臣號山齋畏吾人

受佛戒

累朝皇帝先受佛戒九次方正大寶而近侍陪位者必
九人或七人譯語謂之煖荅世此國俗然也今上之
初入戒壇時見馬哈刺佛前有物爲供因問學士沙
刺班曰此何物曰羊心上曰曾聞用人心肝者有諸

曰嘗聞之而未嘗目睹請問刺馬刺馬者帝師也上遂命沙刺班傳旨問之荅曰有之凡人萌歹心害人者事覺則以其心肝作供耳以此言復奏上再命問曰此羊曾害人乎帝師無荅

戒御膳

國朝日進御膳例用五羊而上自即位以來日減一羊以歲計之爲數多矣

聖儉

太府少監阿魯奏取黃金三兩爲御鞞刺花用上曰不可因請易以銀而鍍金者上曰亦不可金銀首飾也

輟畊錄

第二卷

今民間所用何物對曰用銅上曰可右五事楊太史瑀所言太史居官時日侍上故知其詳

后德

今上皇太子之正位東宮也設諭德置端本堂以處太子講讀忽一日帝師來啓太子母后曰向者太子學佛法頓覺開悟今廼使習孔子之教恐壞太子真性后曰我雖居於深宮不明道德嘗聞自古及今治天下者須用孔子之道捨此他求即爲異端佛法雖好乃餘事耳不可以治天下安可使太子不讀書帝師赧服而退

端本堂

皇太子方在端本堂讀書近侍之嘗以飛放從者輒臂鷹至廊廡間喧呼馳逐以惑亂之將勾引出游爲樂太子授業畢徐令左右戒之曰此讀書之所先生長者在前汝輩安敢褻狎如此急引去毋召責也衆皆驚懼而退右二事乃貢尚書師泰授經宣文閣下日所目見者至正丙申間避地雲間每談朝廷典故因及此

徵聘

中書左丞魏國文正公魯齋許先生衡中統元年應召

輟畊錄

第三卷

赴都日道謁文靖公靜修劉先生因謂曰公一聘而起毋乃太速乎荅曰不如此則道不行至元二十年徵劉先生至以爲替善大夫未幾辭去又召爲集賢學士復以疾辭或問之乃曰不如此則道不尊

治天下匠

中書令耶律文正王楚材字晉卿在金爲燕京行省員

外郎國亡歸于我朝從太祖征伐諸國夏人常八斤者以治弓見知於上詔王曰本朝尚武而明公欲以文進不已左乎王曰且治弓尚須弓匠豈治天下不用治天下匠耶上聞之喜自是用王益密

以官爲氏

中書平章政事廉希憲字善甫封恒陽王謚文正本畏
吾氏王之父諱布魯凱爲回鶻王歸朝官至順德諸
路宣慰使封魏國公謚孝懿拜廉訪使之命時適王
生顛曰是兒必大吾門吾聞古者以官受氏天將以
廉氏吾宗乎吾其從之舉族承命

受孔子戒

世祖一日命廉文正王受戒於國師王對曰臣已受孔
子戒上曰汝孔子亦有戒邪對曰爲臣當忠爲子當
孝孔門之戒如是而已上喜

輟畊錄

第二卷
四

不食死

謝君直先生

枋得

號疊山信州弋陽人宋景定甲子江

東漕闡校文發策問權姦誤國趙氏必亡忤賈似道
貶興國軍三年遇赦得還天兵南下郡城潰棄家入
閩至元二十三年御史程文海承旨雷夢炎等交薦
累召不赴二十六年春正月福建行省參知政事魏
天祐復被詔旨集守令戍將迫蹙上道臨行以詩別
常所往來者曰雪中松栢愈青青扶植綱常在此行
天下豈無龔勝潔人間不獨伯夷清義高便覺生堪
捨禮重方知死甚輕南八男兒終不屈皇天上帝眼

分明夏四月至京師不食死年六十有四秋八月子
定之奉柩歸葬門人誄而題之曰文節先生謝公墓
嗟乎伯夷叔齊在周雖爲頑民而在商則爲義士孰
謂數千載後有商義士之風者復見先生焉

染髭

中書丞相史忠武王

天澤

髭髯已白一朝忽盡黑世皇

見之驚問曰史拔都汝之髯何乃更黑邪對曰臣用
藥染之故也上曰染之欲何如曰臣覽鏡見髭髯白
竊傷年且暮盡忠於陛下之日短矣因染之使玄而
報效之心不異疇昔耳上大喜人皆以王捷於奏對

輟畊錄

第二卷
五

推此一事則餘可知矣漢人賜名拔都者惟王與太

師張獻武王

弘範

及真定新軍張萬戶

興祖
耳

殺虎張

真定新軍張萬戶

興祖

中山無極人至元十九年丞相

楚國文定公

阿里海涯

以中書右丞南取漢郢公實

從有功授前職平生射虎數十一日遇虎一發而蹄
語人曰吾聞生虎之髭剔齒疾可已風因拔之虎怒
爪韠裂賴其氣息垂盡不能傷足由是人目之曰殺
虎張後以國言賜名拔突拔突即拔都與突字雖
異而聲相近蓋譯語無正音故也

御史舉薦

姚文公先生燧爲中臺監察御史時忽御史大夫謂曰
我天子以汝賢故擢居耳目之官今且歲餘至如興
利除害之事未嘗有片言及之但惟以薦舉爲務何
邪先生荅曰某所薦者百有餘人皆經世之才其在
中外並能上裨聖治則某之報効亦勤矣又何待屑
屑於興利除害然後爲監察御史之職任乎大夫曰
真宰相器也嘆賞久之

切諫

太宗素嗜酒晚年尤甚日與大臣酣飲耶律文正王數
輟畔錄

第二卷

言之不聽一日持酒槽之金口以進曰此乃鐵耳爲
酒所蝕尚致如此況人之五臟有不損耶上說賜以
金帛仍勅左右曰惟進酒三鍾而止夫以王之切諫
不已而上終納之可謂君明臣良者矣

丁祭

內翰王文康公鶚字百一開州東明人國初自保定應

聘北行時故人馬雲漢以宣聖畫像爲贈旣達北庭
值秋丁公奏行釋奠禮世祖說即命舉其事公爲祝
文行三獻禮禮畢進胙於上上旣飲福熟其胙命左
右均霑所賜自是春秋二仲歲以爲常蓋上之所以

尊師重道者實公有以啓之也

高學士

國朝儒者自戊戌選試後所在不務存恤往往混爲編氓至於奉一扎十行之書崇學校獎秀藝正戶籍免徭役皆翰林學士高公智耀奏陳之力也公河西人今學校中徃徃有祠之者

大黃愈疾

丙戌冬十一月耶律文正王從太祖下靈武諸將爭掠子女玉帛王獨取書籍數部大黃兩駝而已旣而軍中病疫惟得大黃可愈所活幾萬人吁廉而不貪此轍畊錄

第七卷

固清慎者能之若其先見之明則有非人之所可及者

置臺憲

御史臺至元五年置秩從二品二十一年陞正二品大德十一年陞從一品臺有大夫一人後增一人中丞二人後又增二人隨復故侍御史二人治書侍御史二人殿中侍御史二人治朝著之事典事二人掌幙府文書之事後改爲都事三人後又以都事之長蒙古若色目一人爲經歷檢法二人後廢管勾三人其一人兼照磨監察御史十二人後增至十六人皆漢

人又增蒙古色目人如漢人之數今三十二人至元十四年既取宋置南行臺二十七年專蒞江南之地號江南諸道行御史臺秩如內臺而監察御史今二十四人西行臺初由雲南廉訪司陞行臺大德元年移治陝西號陝西諸道行御史臺蒞陝西甘肅四川雲南之地延祐間暫廢隨復其官秩如南臺而監察御史今二十人各道提刑按察司至元六年置正三品有使副使僉事察判經歷知事二十八年改肅政廉訪司使副使僉事各二人大司農奏罷各道勸農司以農事歸憲司增僉事二人經歷知事照磨各一人今天下凡二十二道始建臺時大夫則塔察兒也

內御史署銜

內監察御史署銜無御史臺三字以爲天子耳目之官非御史大夫以下所可制也行臺則不然

令史

國朝凡省臺院吏曰掾史獨江南行臺作令史者蓋緣至元十四年初立行臺曰御史大夫授三品秩故也後雖陞一品而樂因循者不爲申明改正西臺立視南臺已陞品秩則曰掾史焉

臺字

三臺凡公文所書臺字並從士從口不敢作其字頭若然則僞文也按許氏說文臺從至從之從高省則土乃之之正書耳當從土從口爲是

詔西番

累朝皇帝於踐祚之始必布告天下使咸知之惟詔西番者以粉書詔文於青繒而繡以白絨網以真珠至御寶處則用珊瑚遣使齎至彼國張于帝師所居處

五刑

國初立法以來有笞杖徒流死之制凡七下至五十七下用笞六十七下至一百七十用杖徒之法徒一年

輟畊錄

第二卷
九

杖六十七一年半杖七十七二年杖八十七二年半杖九十七三年杖一百七此麗徒者杖數也鹽徒旣決而又鐐之使居役也數用七者建元以前皆用成數今匿稅者笞五十犯私鹽茶者杖七十私宰馬牛者杖一百舊法猶有存者大德中刑部尚書王約數上言國朝用刑寬恕笞杖十減其三故笞一十減爲七今之杖一百者宜止九十七不當反加十也議者憚於變更其事遂寢流則南之遷者之北北之遷者之南死則有斬有凌遲而無絞

錢幣

不用錢

世皇嘗以錢幣問太保劉文貞公秉忠公曰錢用於陽

楮用於陰華夏陽明之區沙漠幽陰之域今陛下龍

興朔漠君臨中夏宜用楮幣俾子孫世守之若用錢

四海且將不靖遂絕不用錢迨武宗頗用之不乂輒

罷此雖術數識緯之學然驗之於今果如所言

巴而思

河南江北行中書省參知政事姚忠肅公天福字君祥

平陽人至元十一年拜監察御史彈擊權臣無所顧

畏世祖賜名巴而思國言虎也後條奏宰相阿合馬

罪二十有四召廷辯公枚數之彼輒引服數至於三

輟咩錄

第十一卷

氣沮色喪上曰此三者罪已不在宥因目公曰巴而

思臣下有違太祖之制于朕之紀者汝抨擊毋隱廷

臣皆震悚時方倚相理財姑釋不問衆人莫不爲公

危之公之太夫人有賢識勗之曰爲國者忘其家汝

第盡力效忠果不測吾追蹤陵毋死日猶生年也公

泣謝白其長曰萬一得譴乞不以老母連坐語聞上

嘆曰是母子有古義烈勅侍臣符寶郎董文忠宣付

史館書之

善諫

至元二十四年桑哥之爲尚書丞相也專權擅政虐醜

極天福
巴而思

薰天賄賂公行畧無畏避中書平章武寧正獻王理微時爲利用監獨奮然數其姦賊於上前上怒以爲醜詆大臣命左右批其頰王辨不爲止且曰臣思之熟矣國家置臣子猶人家畜犬譬有賊至而犬吠主人初不見賊乃審犬犬遂不吠豈良犬哉上悟收桑哥籍其家明日王拜御史中丞余按北史宋游道傳畢義雲奏劾游道楊遵彥曰譬之畜狗本取其吠今以數吠殺之恐將來無復吠犬詔除名則王之以犬自況爲有所本矣

使交趾

輟畊錄

第十一卷

翰林學士元文敏公

明善

字復初清河人叅議中書曰

會朝廷遣蒙古大臣一員使交趾公副之將還國之僞主賚以金蒙古受之公固辭僞主曰彼使臣已受矣公獨何爲公曰彼所以受者安小國之心我所以不受者全大國之體僞主歎服

刻名印

今蒙古色目人之爲官者多不能執筆花押例以象牙或木刻而印之宰輔及近侍官至一品者得旨則用玉圖書押字非特賜不敢用按周廣順二年平章李穀以病臂辭位詔令刻名印用據此則押字用印之

始也

國璽

文宗開奎章閣作二璽一曰天曆之寶一曰奎章閣寶

命臣虞

集

篆文今上作二小璽一曰明仁殿寶一曰

洪禧命臣楊

瑞

篆文洪禧璞純白而龜紐墨色

宣文閣

天曆初建奎章閣于西宮興聖殿之西廊爲屋三間高明敞爽南間以藏物中間諸官入直所北間南嚮設御座左右列珍玩命群玉內司掌之閣官署銜初名奎章閣階正三品隸東宮屬官後文宗復位乃陞爲

輟耕錄

第十二卷

奎章閣學士院階正二品置大學士五員並知經筵事侍書學士二員承制學士二員供奉學士二員並兼經筵官幕職置叅書二員典籤二員並兼經筵叅替官照磨一員內祿四名內二名兼檢討宣使四名知印二名譯史二名典書四名屬官則有群玉內司階正三品置監群玉內司一員司尉一員亞尉二員僉司二員典簿一員令史二名典吏二名司鑰二名司膳四名給使八名專掌秘玩古物藝文監階正三品置太監兼檢校書籍事二員少監同檢校書籍事二員監丞叅檢校書籍事二員或有兼經筵官者典

簿一員照磨一員令史四名典吏二名專掌書籍鑿書博士司階正五品置博士兼經筵參贊官二員書吏一名專一鑿辨書畫授經郎階正七品置授經郎兼經筵譯文官二員專一訓教法薛官大臣子孫藝林庫皆從六品置提典一員大使一員副使一員司吏二名庫子一名專一收貯書籍廣成局階從七品置大使一員副使一員直長二員司吏二名專一印行祖宗聖訓及國制等書特恩剗製象齒小牌五十上書奎章閣三字一面篆字一面蒙古字與畏吾兒字分散各官懸佩出入宮門無禁學士院凡與諸司

往復惟劄送參書廳行移而已命侍讀學士虞集撰記御書刻石閣中今上皇帝改奎章曰宣文其記曰大統既正海內定一乃稽古右文崇德樂道以天曆二年三月作奎章之閣備燕閒之居將以淵潛遐思緝熙典學乃置學士員俾頌乎祖宗之成訓毋忘乎創業之艱難而守成之不易也又俾陳夫內聖外王之道興亡得失之故而以自儆焉其爲閣也因便殿之西廡釋高明而有容不加飾乎采斲不重勞於土木不過啓乎牖以順清燠樹度閣以棲圖書而已至於器玩之陳非古制作中法度者不得在列其爲處

也跬步戶庭之間而清嚴邃密非有朝會祠享時巡之事幾無一日而不御於斯於是宰輔有所奏請宥密有所圖回爭臣有所繩糾侍從有所獻替以次入對從容密勿蓋終日焉而聲色狗馬不軌不物者無因而至前矣自古聖明睿知善於怡心養神培本浚源泛應萬變而不窮者未有易乎此者也蓋聞天有恒運日月之行不息矣地有恒勢水土之載不匱矣人君有恒居則天地民物有所係屬而不易矣居是閣也靜焉而天爲一動焉而天弗違庶乎有道之福以保我子孫黎民於無窮哉至順辛未孟春二日記

輟時錄

第二卷
十四

占驗

傅初菴先生立以占筮起東南時杭州初內附世皇以故都之地生聚浩繁費力殷盛得無有再興者命占其將來如何卦旣成對曰其地六七十年後會見城市生荆棘不如今多也今杭連厄於火自至正壬辰以來又數燬於兵昔時歌舞之地悉爲草莽之墟軍旅填門畜豕載道乃知立之占亦神矣立乃番禺祝卜泌甥泌精皇極數

權臣擅政

中書右丞相伯顏所署官銜計二百四十六字曰元德

上輔廣忠宣義正節振武佐運功臣太師開府儀同
三司秦王荅刺罕中書右丞相上柱國錄軍國重事
監脩國史兼徽政院侍正昭功萬戶府都總使虎符
威武阿速衛親軍都指揮使司達魯花赤忠翊侍衛
親軍都指揮使奎章閣大學士領學士院知經筵事
太史院宣政院事也可千戶哈必陳千戶達魯花赤
宣忠幹羅思扈衛親軍都指揮使司達魯花赤提調
回回漢人司天監群牧監廣惠司內史府左都威衛
使司事欽察親軍都指揮使司事官相都總管府領
太禧宗禋院兼都典制神御殿事中政院事宜鎮侍

輟畊錄

第二卷
十五

衛親軍都指揮使司達魯花赤提調宗人蒙古侍衛
親軍都指揮使司事提調哈刺赤也不干察兒領隆
祥使司事當其擅政之日前後左右無非陰邪小輩
惟恐獻諂進佞之不至孰能告以忠君愛民之事有
一王爵者譯奏云薛禪二字人皆可以爲名自世祖
皇帝廟號之後遂不敢用今太師伯顏功高德重可
以薛禪名字與之時御史大夫帖木兒不花亦其心
腹每陰嗾省臣奏凡其請文定王沙剌班時爲學士
從容言於上曰萬一曲從所請關係非輕遂命學士
歐陽玄監丞揭傒斯會議以元德上輔四字代之加

於功臣之上又典端院都事某建言凡省官提調軍馬者必佩虎符今太師伯顏難與他人同宜錫龍鳳牌以寵異之制可遂製龍鳳牌一面其三珠各函徑寸真珠一枚而飾以紅刺鴉忽寶石牌身脫鉞元德上輔功臣號字仍用白玉嵌造牌成計直數萬錠旣被貶黜毀其牌就以珠寶給還物主蓋督勒有司和買元價尚未酬也又京畿都運納速刺上言太師伯顏功勳蓋世所授宣命難與百官一體合用泥金書詞以尊榮之省臺院官議不可行宛轉稟白止金書上天眷命皇帝聖旨八字餘仍墨筆云

輟畀錄

第十二卷

懷孟蛙

大德間仁宗在潛邸日奉荅吉太后駐輦懷孟特苦群蠅亂喧終夕無寐翼旦太后命近侍傳旨諭之曰吾母子方憤憤蠅忍惱人耶自後其母再鳴故至今此地雖有毒而不作聲後仁宗入京誅安西王阿難荅等迎武宗即位時大德十一年也越四年而仁宗繼登大寶則知元后者天命攸歸豈行在之所雖未踐祚而山川鬼神以陰來相之不然則蟲魚微物耳又能聽令者乎但迄今不鳴尤可異矣

賊臣攝祭

至治癸亥十月六日甲子先一夕因晉邸入繼大統告祭太廟之頃陰風北來殿上燈燭皆滅良久方息蓋攝祭官鉄失也先帖木兒赤斤帖木兒等皆弑君之元惡也時全思誠以國子生克齋郎目擊之此無他必祖宗威靈在上不使姦臣賊子得以有事于太廟而明示嚴譴之耳彼徒罪無所逃至於身誅族赤而後已吁可畏哉

叛黨告遷地

至元二十四年宗王乃顏叛後伏誅徙其餘黨于慶元之定海縣延祐間倚納脫脫公來爲浙相其黨屢以水土不便爲訴乞遷善地公曰汝輩自尋一箇不死人的田地當爲汝遷之衆遂不敢再言

土人作掾

至元間別兒怯不花公爲江浙丞相議以本省所轄土人不得爲掾史時左丞佛住公謂曰若然則中書掾當用外國人爲之矣相有赧色議遂不行

蕭先生

蕭貞敏公麟字維斗京兆人蚤歲吏于府一日呈牘尹前尹偶墜筆目公拾之公陽爲不解而止白所議公事如此者三公曰某所言者王事也拾筆責在阜隸

非吏所任尹怒公即辭退隱居十五年惟以讀書爲志從公游者屢交戶外平章咸寧王野仙聞其賢薦之於世祖徵不至授陝西儒學提舉繼而成宗武宗仁宗累徵授國子司業集賢直學士未赴改集賢侍講又以太子右諭德徵始至京師授集賢學士國子祭酒尋復得告還山年七十七以壽終謚貞敏

端厚

文貞王

阿憐帖木兒

嘗言婁師德唾面自乾以爲美事我思

之雖狗亦不可惡他且如有一狗自臥於地無故以足蹴之或擲以物狗固不便咬人亦吠數聲而去却

輟耕錄

第二卷
十八

有甚好聽處

弓字

弓即卷字真誥中謂一卷爲一弓或以爲弓字及篇字者皆非

輟耕錄卷第三

正統辯

至正二年壬午春三月十有四日上御咸寧殿中書右丞相脫脫等奉命史臣纂修宋遼金三史制曰可越二年甲申春三月進遼史本紀三十卷志三十一卷表八卷列傳四十六卷冬十一月進金史本紀一十九卷志三十九卷表四卷列傳七十三卷又明年乙酉冬十一月進宋史本紀四十七卷志一百六十二卷表三十二卷列傳世家二百五十五卷初會稽楊維禎嘗進正統辨可謂一洗天下紛紜之論公萬世

輟耕錄

第三卷

而爲心者也惜三史已成其言終不見用後之秉史筆而續通鑑綱目者必以是爲本矣維禎字廉夫號鐵崖人咸稱之曰鍊史先生泰定丁卯李黼榜相甲及第以文章名當世表曰至正三月五日伏觀皇帝詔旨起大梁張京兆杜本等爵某官職專修宋遼金三史越明年史有成書而正統未有所歸臣維禎謹撰三史正統辨凡二千六百餘言謹表以上者右伏以一代離合之殊固繫乎天數盛衰之變萬年正閏之統實出於人心是非之公蓋統正而例可與猶綱舉而目可備前代異史今日兼修是非之論既明

正閏之統可定奈三史雖云有作而一統猶未有歸共
惟世祖皇帝以湯武而立國皇帝陛下以堯舜而爲
君建極建中致中和而育物惟精惟一大一統以書
元嘗惟遼金史之未成必列趙宋編而全備芸臺大
啓草澤高升宜開三百載之編年以垂千萬代之大
典豈料諸儒之謙筆徒爲三國之志書春秋之首例
未聞綱目之大節不舉臣維禎素讀春秋之王正月
公羊謂大一統之書再觀綱目之紹春秋文公有在
正統之說故以始皇二十六年而繼周統高祖成功
五年而接秦亡晉始於平吳而不始於秦和唐始於

輟畊錄

卷二

滅盜而不始於武德稽之千古證之于今况當世祖
命伯顏平江南之時式應宋祖命曹彬下江南之歲
親傳詔旨有過唐不及漢之言確定統宗有繼宋不
繼遼之禪故臣維禎敢痛排浮議力建公言挈大宋
之編年包遼金之紀載置之上所用成一代可鑒之
書傳之將來永示萬世不刊之典冒干天聽深懼冰
兢下情無任瞻天望闕激切屏營之至辨曰正統之
說何自而起乎起於夏后傳國湯武革世皆出於天
命人心之公也統出於天命人心之公則三代而下
曆數之相仍者可以妄歸於人乎故正統之義立於

聖人之經以扶萬世之綱常聖人之經春秋是也春秋萬代之史宗也首書王正於魯史之元年者大一統也五伯之權非不強於王也而春秋必黜之不使奸此統也吳楚之號非不竊於王也而春秋必外之不使僭此統也然則統之所在不得以割據之地強梁之力僭偽之名而論之也尚矣先正論統於漢之後者不以劉蜀之祚促與其地之偏而奪其統之正者春秋之義也彼志三國降昭烈以儕吳魏使漢嗣之正下與漢賊並稱此春秋之罪人矣復有作元經自謂法春秋者而又帝北魏黜江左其失與志三國

輟畹錄

第二卷

者等耳以致尊昭烈續江左兩魏之名不正而言不順者大正於宋朱氏之綱目焉或問朱氏述綱目主意曰在正統故綱目之挈統者在蜀晉而抑統者則秦昭襄唐武氏也至不得已以始皇之廿六年而始繼周漢始於高帝之五年而不始於降秦晉始於平吳而不始於秦和唐始於群盜旣夷之後而不始於降武德之元又所以法春秋之大一統也然則今日之修宋遼金三史者宜莫嚴於正統與大一統之辨矣自我世祖皇帝立國史院嘗命承旨百一王公修遼金二史矣宋亡又命詞臣通修三史矣延祐天曆

之間屢勤詔旨而三史卒無成書者豈不以二史正
統之議未決乎夫其議未決者又豈不以宋渡於南
之後拘於遼金之抗于北乎吾嘗究契丹之有國矣
自灰牛氏之部落始廣其初枯骨化形戴豬服豕荒
唐怪誕中國之人所不道也八部之雄至於阿保機
披其黨而自尊迨耶律光而其執浸盛契丹之號立
於梁貞明之初大遼之號復改於漢天福之日自阿
保機訖于天祚凡七主歷二百一十有五年夫遼固
唐之邊夷也乘唐之衰草竊而起石晉氏通之且割
幽燕以與之遂得窺釁中夏而石晉氏不得不亡矣

輟畹錄

第三卷

而議者以遼乘晉統吾不知其何統也再考金之有
國矣始於完顏氏實又臣屬於契丹者也至阿骨打
苟逃性命於道宗之世遂敢萌人臣之將而篡有其
國僭稱國號於宋重和之元相傳九主凡歷一百一
十有七年而議者又以金之平遼尅宋帝有中原而
謂接遼宋之統吾又不知其何統也議者又謂完顏
氏世爲君長保其肅慎至太祖時南北爲敵國素非
君臣遼祖神冊之際宋祖未生遼祖比宋前興五十
餘年而宋嘗遣使卑辭以告和結爲兄弟晚年且遼
爲翁而宋爲孫矣此又其說之曲而陋也漢之匈奴

唐之突厥不皆興於漢唐之前乎而漢唐又與之通和矣吳魏之於蜀也亦一時角立而不相統攝者也而秉史筆者必以匈奴突厥爲紀傳而以漢唐爲正統必以吳魏爲分繫而以蜀漢爲正統何也天理人心之公閱萬世而不可泯者也議者之論五代又以朱梁氏爲篡逆不當合爲五代史其說似矣吾又不知朱晃之篡克用氏父子以爲仇矣契丹氏背唐兄弟之約而稱臣於梁非逆黨乎春秋誅逆重誅其黨契丹氏之誅爲何如哉且石敬瑭事唐不受其命而篡唐謂之承晉可乎縱承晉也謂之統可乎又謂東

漢四主遠兼郭周宋至興國四年始受其降遂以周爲閏以宋統不爲受周禪之正也吁苟以五代之統論之則南唐李昇嘗立大唐宗廟而自稱爲憲宗五代之孫矣宋於開寶八年滅南唐則宋統繼唐不優於繼周繼漢乎但五代皆閏也吾無取其統吁天之曆數自有歸代之正閏不可紊千載曆數之統不必以承先朝續亡主爲正則宋興不必以膺周之禪接漢接唐之閏爲統也宋不必膺周接漢接唐以爲統則遂謂歐陽子不定五代爲南史爲宋膺周禪之張本者皆非矣當唐明宗之祝天也自以夷虜不任社

稷生靈之至願天早生聖人以主生靈自是天人交感而宋祖生矣天厭禍亂之極使之君主中國非欺孤弱寡之所致也朱氏綱目於五代之年皆細注於歲之下其餘意固有待於宋矣有待於宋則直以宋接唐統之正矣而又何計其受周禪與否乎中遭陽九之厄而天猶不泯其社稷瓜瓞之系在江之南子孫享國又凡百五十有五年金泰和之議以靖康爲游魂餘魄比之昭烈在蜀則泰和之議固知宋有遺統在江之左矣而金欲承其絕爲得統可乎好黨君子遂斥紹興爲僞宋吁吾不忍道矣張邦昌迎康邸

輟呷錄

第三卷

之書曰由康邸之舊藩嗣宋朝之大統漢家之厄十世而光武中興獻公之子九人而重耳尚在茲惟天意夫豈人謀是書也邦昌肯以靖康之後爲游魂餘魄而代有其國乎邦昌不得革宋則金不得以承宋是則後宋之與前宋即東漢前漢之比耳又非劉蜀牛晉族屬踈遠馬牛疑迷者之可以同日語也論正閏者猶以正統在蜀正朔相仍在江東弼嗣祚親切比諸光武重耳者乎而又可以僞斥之乎此宜不得以南渡爲南史也明矣再考宋祖生于丁亥而建國于庚申我太祖之降年與建國之年亦同宋以甲戌

渡江而平江南於乙亥丙子之年而我王師渡江平江南之年亦同是天數之有符者不偶然天意之有屬者不苟然矣故我世祖平宋之時有過唐不及漢宋統當絕我統當續之喻是世祖以曆數之正統歸之於宋而以今日接宋統之正者自屬也當時一二大臣又有奏言曰其國可滅其史不可滅也是又以編年之統在宋矣論而至此則中華之統正而大者不在遼金而在於天付生靈之主也昭昭矣然則論我元之大一統者當在平宋而不在平遼與金之日又可推矣夫可今之君子昧於春秋大一統之旨而

輟畊錄

第三卷

急於我元開國之年遂欲接遼以爲統至於拂天數之符悖世祖君臣之喻逆萬世是非之公論而不恤也吁不以天數之正華統之大屬之我元承平有宋如宋之承唐唐之承隋承晉承漢也而妄分閏代之承欲以荒夷非統之統屬之我元吾又不知今之君子待今日爲何時待今聖人爲何君也哉於乎春秋大統之義吾已悉之請復以成周之大統明之於今日也文王在諸侯凡五十年至三分天下有其二遂誕膺天命以撫方夏然猶九年而大統未集必至武王十有三年代商有天下商命始革而大統始集焉

蓋革命之事間不容髮一日之命未絕則一日之統未集當日之命絕則當日之統集也宋命一日而未革則我元之大統亦一日而未集也成周不急文王五十年武王十三年而集天下之大統則我元又豈急於太祖開國五十年及世祖十有七年而集天下之大統哉抑又論之道統者治統之所在也堯以是傳之舜舜以是傳之禹湯文武周公孔子孔子沒幾不得其傳百有餘年而孟子傳焉孟子沒又幾不得其傳千有餘年而濂洛周程諸子傳焉及乎中立楊氏而吾道南矣旣而宋亦南渡矣楊氏之傳爲豫章

輟畊錄

第三卷

羅氏延平李氏及於新安朱子朱子沒而其傳及於我朝許文正公此歷代道統之源委也然則道統不在遼金而在宋在宋而後及於我朝君子可以觀治統之所在矣於乎世隔而後其議公事又而後其論定故前代之史必修於異代之君子以其議公而論定也晉史修於唐唐史修於宋則宋史之修宜在今日而無讓矣而今日之君子又不以議公論定者自任而又諉曰付公論於後之儒者吾又不知後之儒者又何儒也此則予爲今日君子之痛惜也今日堂堂大國林林鉅儒議事爲律吐辭爲經而正統大筆

不自豎立又闕之以遺將來不以貽千載綱目君子
之笑爲厚耻吾又不知負儒名於我元者何施眉目
以誦孔子之遺經乎洪惟我聖天子當朝廷清明四
方無虞之日與賢宰臣親覽經史有志於聖人春秋
之經制故斷然定修三史以繼祖宗未遂之意甚盛
典也知其事大任重以在館之諸賢爲未足而又遣
使草野以聘天下之良史才負其任以往者有其人
矣而問之以春秋之大法綱目之主意則槩乎其無
以爲言也於乎司馬遷易編年爲紀傳破春秋之大
法唐儒蕭茂挺能議之孰謂林林鉅儒之中而無一
蕭茂挺其人乎此草野有識之士之所甚惜而不能
倡其言於上也故私著其說爲宋遼金正統辨以伺
千載綱目之君子云若其推子午卯酉及五運之王
以分正閏之說者此日家小技之論君子不取也吾
無以爲論

貞烈

至元十三年丙子春正月十八日淮安王

伯顏

以中書

右相統兵入杭宋謝全兩后以下皆赴北有王昭儀
者題滿江紅詞于驛云太液芙蓉渾不似舊時顏色
曾記得春風雨露玉樓金闕各播蘭簪妃后裏暈潮

蓮臉君王側忽一朝鞞鼓揭天來。繡華歇龍虎散風雲滅。千古恨憑誰說。對山河百二淚霑襟。血驛館夜驚塵土。夢宮車曉碾關山。月願嫦娥相顧。肯從容隨圓缺。昭儀名清蕙。字冲華。後爲女道士。五月二日抵上都朝見世皇。十二日夜故宋宮人安定夫人陳氏安康夫人朱氏與二小姬沐浴整衣焚香自縊。死朱夫人遺四言一篇於衣中。云旣不辱國幸免辱身。世食宋祿羞爲北臣。妾輩之死守於一貞。忠臣孝子期以自新。丙子五月吉日泣血書。明日奏聞上命斷其首縣全后寓所。夫此四人之貞烈視前日之託隱憂

輟咍錄

第十二卷

於辭章者相去蓋萬萬矣。是年丞相偏師徇台台之臨海民婦王氏者美姿容被掠至師中。千夫長殺其舅姑與夫而欲私之。婦誓死不可自念且被汚因陽曰能俾我爲舅姑與夫服。朞月乃可事。主君千夫見其不難於死。從所請。仍使俘婦雜守之。師還挈行至。嶮過上清風嶺。婦仰天竊嘆曰。吾知所以死矣。即齧拇指出血。寫口占詩於崖石上。曰君王無道妾當災。棄女拋男逐馬來。夫面不知何日見。此身料得幾時回。兩行清淚偷頻滴。一片愁眉鎖未開。回首故山看漸遠。存亡兩字實哀哉。寫畢即投崖下以死死之日

距今且將八九十年石上血債起如始寫時不爲風雨所剝蝕予昔過其下尚能讀所寫詩唳丞徐君端

樹石祠刻碑於死所浙東元帥白野泰不華公字兼善狀元及第

守越日爲立廟像鄉之人私表曰貞婦著作李

五峯先生孝光爲記郡上其事于朝請封如民所表

先是岳州破時韓氏爲游卒所掠以獻諸王將韓知

必不免乘間赴水死越三日有得其屍於練裙中題

五言長句曰宋未有天下堅正臣禮秉開國百戰功

每陣惟雄整及侍周幼主臣心常炯炯帝曰卿北伐

山戎今有警死狗莫擊尾此行當繫頸即日辭陛下

輟軒錄 第三卷

盡敵心欲逞陳橋忽兵變不得守箕穎禪讓法堯舜

民物普安靜有國三百年仁義道馳聘未改祖宗法

天胡肆大靑細思地理中有幸不幸天果喪中原

大似裂冠衽君誠不獨活臣實無魏丙失人焉得人

垂戒嘗耿耿江南無謝安塞北有王猛所以戎馬來

飛渡以陵境大江限南北今此一舴艋本期固封疆

誰謂如畫餅烈火燎昆岡不辨金玉礦妾本良家子

性僻守孤梗嫁與尚書兒銜署紫蘭省直以才德合

不棄宿瘤瘿初結合歡帶誓比日月兩鴛鴦會雙飛

比目願常並豈期金石堅化作桑榆景旄頭執正然

蚩尤氣先屏不意風馬牛復及此燕郢一方遭劫虜
六族死俄頃退鷁落迅風孤鸞弔空影簪堅折白玉
瓶沉斷青綆一死空冥府憂心長炳炳意堅志不移
改邑不改井我本瑚璉器安肯作溺血志節匪轉石
氣噎如吞鯁不作燼火然願爲死灰冷貪生念麴蛾
乞憐羞虎穿借此清江水葬我全首領皇天如有知
定作血面請願魂化精衛填海使成嶺此詩士大夫
多稱道之韓名希孟年十有八魏公五世孫襄陽買
尚書之子瓊之婦死且三十年而其英爽不昧復能
託夢趙魏公爲書其詩則節婦之名因公之翰墨而

輟畊錄

第三卷
十二

愈不朽矣又岳州徐君寶妻某氏亦同時被虜來杭
居韓蘄王府自岳至杭相從數千里其主者數欲犯
之而終以巧計脫盖某氏有令姿主者弗忍殺之也
一日主者怒甚將即強焉因告曰俟妾祭謝先夫然
後乃爲君婦不遲也君奚用怒哉主者喜諾即嚴妝
焚香再拜默祝南向飲泣題滿庭芳詞一闕于壁上
已投大池中以死詞曰漢上繁華江南人物尚遺宣
政風流綠窓朱戶十里爛銀鈎一旦刀兵齊舉旌旗
擁百萬貔貅長驅入歌樓舞榭風捲落花愁清平三
百載典章文物掃地俱休幸此身未北猶客南州破

鑑徐郎何在空惆悵相見無由從今後斷魂千里夜
夜岳陽樓杭徐子祥與韓府居相隣嘗聞長老嗟悼
之及見所書詞故能言其詳某氏余偶忘其姓噫使
宋之公卿將相貞守一節若此數婦者則豈有賣降
覆國之禍哉宜乎秦賈之徒爲萬世之罪人也

岳鄂王

岳武穆王飛墓在杭棲霞嶺下王之子雲附焉自國初
以來墳漸傾圯江州岳氏諱士迪者於王爲六世孫
與宜興州岳氏通譜合力以起廢廟與寺復完美久
之王之諸孫有爲僧者居墳之西爲其廢壞廟與寺

輟畊錄

卷十三

靡有孑遺天台僧可觀以訴于官時何君頤貞爲湖
州推官河君敬仲九思以書白其事田之沒於人者

復歸然廟與寺無寸椽片瓦會李君全初爲杭總管
府經歷慨然以興廢爲已任而鄭君明德元祐爲作

疏語曰西湖北山褒忠演福禪寺竊見故宋贈太師
武穆岳鄂王忠孝絕人功名蓋世方略如霍驃姚不

逢漢武徒結志於仁家意氣如祖豫州乃遇晉元空
誓言於擊楫賜墓田棲霞嶺下建祀祠秋水觀西落

日鼓鍾長爲聲寃於草木空山香火猶將薦爽於淵
泉豈期破蕩子孫盡壞久長規制典祊田隳佛宇春

秋無所忝嘗塞墓道毀神棲風雨遂頽廟貌休留夜
啼拱木躑踖春開斷垣淚落路人事關世教蓋忠臣
烈士每詔條有致祭之文豈狂子野僧撓國典出募
綠之疏望明有司告之臺省異聖天子錫之圭璋褒
忠義在天之靈激生死爲臣之勸周武封比干墓事
著遺經唐宗建白起祠恩覃異代疏成郡人王華父
一力興建於是寺與廟又復完美且杭州申明浙省
轉咨中書以求褒贈適趙公子期在禮部倡議奏聞
降命勅封並如宋止加保義二字自我元統一函夏
以來名人佳士多有詩弔之不下數十百篇其最膾

輟畔錄

第三卷
十四

炙人口者如葉靖逸先生

紹翁

云萬古知心只老天

英雄堪恨亦堪憐如公少緩湏吏死此虜安能八十
年漠漠凝塵空偃月堂堂遺像在凌烟早知埋骨西

湖路悔不鴟夷理釣船趙魏公

孟頫

云岳王墳上草

離離秋日荒涼石獸危南渡君臣輕社稷中原父老

望旌旗英雄已死嗟何及天下中分遂不支莫向西

湖歌此曲水光山色不勝悲高則誠先生

明

云莫向

中州嘆黍離英雄生死係安危內廷不下班師詔絕

漠全收大將旗父子一門共伏節山河萬里竟分支

孤臣尚有埋身地二帝游魂更可悲潘子素先生

純

云海門寒日澹無輝偃月堂深晝漏遲萬竈貌貅江
上老兩宮環珮夢中歸內園羯鼓催花發小殿珠簾
看雪飛不道帳前胡旋舞有人行酒着青衣林清源
先生泉生云誰收將骨葬西湖已十他年必沼吳孤
冢有人來下馬六陵無樹可棲烏廟堂短計慚嫠婦
宇宙惟公是丈夫往事重觀如敗局一龕燈火屬浮
屠讀此數詩而不墮淚者幾希然賊檜欺君賣國雖
擢髮不足以數其罪翻四海之波不足以湔其惡而
武穆之精忠靄然與天地相終始死猶生也彼思陵
者信任姦邪竟無父兄之念亦獨何心哉故余亦有

輟耕錄

第三卷
十五

詩云精忠祠宇西湖上再拜荒墳感昔遊斷碣草深
蒙巽颺空山日落叫軻朝天移宋祚難恢復帝幸燕
雲困虜囚逆檜陰圖傾大業思陵無意問神州偷安
甫遂邦家志飲痛甘忘父母讐信使北和憐屈膝策
文南駐忍含羞兩宮五國瞻征幟丹詔班師下節樓
萬里長城真自壞中興武績遂云休烏乎竟死姦邪
手顛沛誰爲社稷憂黜黜冤魂遊狴犴紛紛雨淚灑
貔貅唯餘滿地萑弘血不見中流祖逖舟氛堦已塵
金匱匣冕旒終換錢兜鍪姓名竹帛書千載父子英
雄土一丘老樹尚知朝禹穴遺黎總解說王猷復田

起廢憐僧寺移檄褒嘉賴省侯聖世即今崇祀典佇
看寵渥到松楸精忠宋所賜廟額此詩在未曾加封
前作故云時至正己丑也

水乃伊

回回田地有年七十八歲老人自願捨身濟眾者絕不
飲食惟澡身啖蜜經月便溺皆蜜旣死國人殮以石
棺仍滿用蜜浸鑄志歲月于棺蓋瘞之俟百年後啓
封則蜜劑也凡人損折肢體食少許立愈雖彼中亦
不多得俗曰蜜人番言木乃伊

駿畔錄

第三卷

輟耕錄卷第三

輟耕錄卷第四

發宋陵寢

吳興王筠菴先生

國器

示余所藏唐義士傳讀之不覺

令人泣下謹錄之傳曰辛亥秋友人端突倪君過余
溪上示游杭雜藁中有識唐玉潜事一篇余讀大驚
頓足起立曰異哉今世乃有此人有此事願詳告我
突乃言曰唐君名珏字玉潜會稽山陰人家貧聚徒
授經營滌灑以養其母歲戊寅有總江南浮屠者楊
璉真珈怙恩橫肆執醎爍人窮驕極淫不可具狀十
二月十有二日冲徒役頓蕭山發趙氏諸陵寢至斷

輟耕錄

第四卷

殘支體攫珠襦王桺焚其齒棄骨草莽間唐時年三
十二歲聞之痛憤亟貨家具得白金百星許執券行
貸得白金又百星許乃具酒醪市羊豕邀里中少年
若干輩狎坐轟飲酒且酣少年起請曰君儒者若是
將何爲焉唐慘然具以告願收遺骸共瘞之衆謝曰
諾中一少年曰發丘中郎將耽耽餓虎事露奈何唐
曰余固籌矣今四郊多暴骨取窶以易誰復知之乃
斷文本爲匱復黃絹爲囊各署其表曰某陵某陵分
委而散遣之藪地以藏爲文而告詰旦事訖來集出
白金羨餘酬戒勿泄越七日總浮屠下令哀陵骨雜

置牛馬枯骼中築一塔壓之名曰鎮南杭民悲戚不
忍仰視了不知陵骨之猶存也禍淫不爽流傳京師
上達四聰天怒赫赫飛風雷號令摔首禍者北焉山
陰人始有藉藉傳唐氏者由是唐之義風震動吳越
聲生執長若胥江掀八月之濤名雖高困固自若明
年巳卯後上元兩日唐出觀燈歸忽坐痕息奄奄若
將絕者良久始蘇曰吾見黃衣吏持文書來告曰王
召君導我往觀闕巍峩宮宇靚麗殆非人間有一冕
旒坐殿上數黃衣貴人逡巡降楫曰籍君掩骸其有
以報唐乃陞謁造王前王謂曰汝受命竇且貧兼無

輟畊錄

第四卷

妻若子今忠義動天帝命錫汝伉儷子三人田三頃
拜謝降出遂覺罔不知其何也踰時越有治中袁俊
齋至始下車爲子求師有以唐薦者一見置賓館一
日問曰吾渡江聞有唐氏瘞宋諸陵骨子豈其宗耶
左右指君曰此是已袁大駭拱手曰君此舉豫讓不
能抗也曳之坐北面而納拜焉禮敬特加情欵益篤
叩知家徒四壁惻然嗟矜語左右曰唐先生家甚寒
吾當料理使有妻有田以給左右逢迎爰諏爰度不
數月二事俱愜聘婦偶故國之公女負郭食故國之
公田所費一一自表出人固竒唐之節而又竒唐之

遇兩高之曰二公真義士義士爾後獲三丈夫子鼎
立頌願凡夢中神所許稽其數無一不合咄咄怪事
乃如此唐葬骨後又於宋常朝殿掘冬青樹植於所
函土堆上作冬青行二首曰馬箠問髡形南面欲起
語野麕尚屯束何物敢盜取餘花拾飄蕩白日哀后
土六合忽怪事蛻龍掛茅宇老天鑿區區千載護風
雨又曰冬青花不可折南風吹涼積香雪遙遙翠盖
萬年枝上有鳳巢下龍穴君不見犬之年羊之月劈
歷一聲天地裂復有夢中詩四首曰珠亡忽震蛟龍
睡軒弊寧忘犬馬情親拾寒瓊出幽草四山風雨鬼

輟畊錄

第四卷

神驚一坏自築珠丘土雙匣親傳竺國經只有春風
知此意年年杜宇哭冬青昭陵玉匣走天涯金粟堆
寒起莫鴉水到蘆亭轉嗚咽不知真帖落誰家珠鳧
玉鴈又成埃班竹臨江首重回猶憶年時寒食節天
家一騎奉香來余客錢唐久熟悉其事唐至今無恙
靈卿旣具聞始末謂端突曰江左運窮天水源涸宋
之亡非有商辛流毒爲白旄黃鉞之招也直以千載
河清六合執一大火運移衣冠道盡臥榻側難容他
人鼾睡耳聖朝量包覆燾恩完獮狝煦育亡國遺胤
坦無驚猜何物異端無忌憚敢爾至今言之可爲痛

哭已抑吾不能無慨異時會稽近畿世家林丘雖蓬萊清淺陵岸變遷豈無一二慷慨僅存者卓哉斯舉乃出閭里一寒士何歟豈所養非所用而民彞物則獨具於執甲位下者之資稟與余又怪世之言命者窮通禍福罔不在厥初生一成而不可變今忠義所感定命靡常六極轉移易若反掌乃知元命自作多福自求樞機由人雖天有所不能制聖言豈欺我哉一分行通神明捷於影響況力又有大者其積彌厚其澤當彌長又可以槩量乎哉吾謂趙氏昔者家已被程嬰公孫杵臼強有其真孤今者國已亡唐君玉

輟畀錄

第四卷

潛匱藏其真骨兩雄力當無能優劣以其繫人倫關世教有足多尚援筆以紀待編野史者采焉此雲溪羅先生有開所撰也先生德興人董石林

古翁

題其

後曰釋燄熏天墨毒殘骨不啻鞭屍刑骸之慘執張威懾孰攫其鋒儒流唐進士念世籍陽和生育雨露涵濡之恩忠憤激發毀室捐貲仗義集儔潛遺幣於暴露之後拔游魂於獸羈之中身首免異處支體脫烈炎視漆身噴鉞者盡在下風精誠動天奇節震世錫佳麗偶送麒麟兒陽施陰報捷若影響善者勸矣詹厚齋

載道

復題曰嘗疑武王伐商劍鉞斬擊事竊

意王者之師未必爾也紂死矣既擊之又斷其首注
太白不已甚乎當時舉天下無非之者而西山餓夫
獨非之昌黎頌之曰若伯夷者特立獨行窮天地亘
萬古而不顧者也會稽諸陵非有商辛之虐不幸而
遭樊崇當時曾無一人動孟陽之哀者嗚呼痛哉唐
生一寒士耳其執位非如孤竹君之子徒以故國遺
黎不忍視其上之人之禍之慘憤激於中毀家取義
爲人所不敢爲於不可爲之時深謀秘計全而歸之
智名勇功足以驚世絕俗視伯夷固未易同日語而
一念之烈行之而不顧豈非韓子所謂千百年乃一

輟畊錄

第五卷

人者與余讀羅君所爲傳爲之掩卷泣下嗚呼尚忍
言哉天地惟一感應之理有感必應其得報固其理
耳不然天者有時而難必神者有時而難明善者怠
矣厥後越有新治中來聞其事異其人下車首物色
得之亟拜亟爲禮羅而致之館下又從而振德之唐
固義士治中亦偉人皆出秉彜好德之真微唐君不
能成治中之義微治中不能著唐君之忠是大有功
於人倫世教者也此傳之所以不可不作也皇慶二
年夏五月題及見遂昌鄭明德先生元祐所書林義
士事蹟云宋太學生林德陽字景曦號霽山當楊總

統發掘諸陵寢時林故爲杭丐者背竹籬于持竹夾
遇物即以夾投籬中林鑄銀作兩許小牌百十繫腰
間取賄西番僧曰餘不敢望收其骨得高家孝家斯
足矣番僧左右之果得高孝兩朝骨爲兩函貯之歸
葬於東嘉其詩有夢中作一十首其一絕曰一坏未
築珠宮土雙匣親傳竺國經只有東風知此意年年
杜宇哭冬青又曰空山急雨洗岩花金粟堆寒起莫
鴉水到蘭亭更嗚哽不知真帖落誰家又曰喬山弓
劍未成灰玉匣珠襦一夜開猶記去年寒食日天家
一騎捧香來餘七首猶悽怨則忘之葬後林於宋常

輟畊錄

第四卷

朝殿掘冬青一株置於所函土堆上又有冬青花一
首曰冬青花冬青花花時一日腸九折隔江風雨清
影空五月深山落微雪石根雲氣龍所藏尋常螻蝻
不敢穴移來此種非人間曾識萬年觴底月蜀魂飛
繞百鳥臣夜半一聲山竹裂又一首有曰君不記羊
之年馬之月劈歷一聲山石裂聞其事甚異不欲書
若林霽山者其亦可謂義士也已此五詩與前所錄
語句微不同詩中有雙匣字則是收兩陵骨之意得
非林義士詩羅雲溪以傳者之誤而寫入傳中者乎
但曰移宋常朝殿冬青植所函土上而作冬青詩吾

意會稽去杭止隔一水或者可以致之若夫東嘉相望千餘里豈能容易持去縱持去又豈能不枯瘁作如此想則又疑是唐義士詩且葬骨一事豈唐方起謀時林已先得高孝兩陵骨邪抑得唐所易之骨耶蓋各行其所志不相知會理固有之載考之齊人周草窓先生密癸辛雜識所記云至元二十二年乙酉八月楊髡發陵之事起於天長寺福僧聞號西山者成於演福寺剡僧澤號雲夢者初天長乃魏憲靖王墳寺聞欲媚楊髡遂獻其寺旋又發魏王家多得金玉以此起發陵之想澤一力贊成之俾泰寧寺僧宗

輟畊錄

第四卷

愷宗允等詐稱楊侍郎汪安撫侵占寺地爲名告詞出給文書將帶河西僧及凶黨如沈照磨之徒部令人夫發掘時有中官陵使羅銑者守陵不去與之極力爭執爲澤痛箠脇之以刃令人逐去大哭而出遂先啓寧宗理宗度宗楊后四陵劫取寶玉極多惟理宗之陵所藏尤多啓棺之初有白氣亘天盖寶氣也理宗之屍如生其下皆籍以錦錦之下承以竹絲細篋一小廝攫取擲地有聲乃金絲所成或對云含珠有夜明者乃倒懸其屍樹間瀝取水銀如此三日竟失其首或謂西番僧回回其俗以得帝王髑髏可以

厭勝致富故盜去耳事竟羅陵使買棺製衣收斂大
慟垂絕隣里爲之感泣是夕聞西山皆有哭聲凡晝
夜不絕至十一月復發徽欽高孝光五帝陵孟韋吳
謝四后陵初欽徽葬五國城數遣使祈請於金人欲
歸梓宮凡六七年而後許以梓宮還行在高宗親至
臨平奉迎易總服寓于龍德別宮一時朝野以爲大
事諸公論功受賞費於官帑者不貲先是選人楊偉
貽書執政乞奏聞命大臣取神襯之最下者斲而視
之旣而禮官請用安陵故事梓宮入境即承之以槨
仍納袞冕輦衣於槨中不改斂從之至此被發掘欽

輟畊錄

第四卷

徽二陵皆空無一物徽陵有朽木一段欽陵有木燈
檠一枚而已蓋當時已料其真僞不可知不欲逆詐
亦以慰一時之人心耳而二帝遺骸浮沉沙漠初未
嘗還也高宗陵骨髮盡化畧無寸餘止錫器數件端
硯一隻硯爲澤所得孝陵亦蛻化無餘止頂骨小片
內有玉鑪瓶一副古銅鬲一隻亦爲澤所得昔聞有
道之士能蛻骨而仙未聞并骨蛻者真天人也若光
寧與諸后優然如生羅陵使亦如前棺斂後悉從火
化可謂忠且義矣當與張承業同傳陵中金錢以萬
計皆爲屍氣所蝕如銅錢狀以故諸兇棄而不收徃

往爲村民所得聞有得猫睛異寶者一村翁於孟后陵得一髻其髻長六尺餘其色紺碧髻根有短金釵遂取以歸以其帝后遺物皮置佛堂中奉事之自此家道寢豐凡得金錢之家非病即死翁恐甚亟送龍洞中而此翁今成富家矣方移理宗屍時澤在傍以足蹴其首以示無懼隨覺竒痛一點起於足心自此苦足疾數年以致潰爛雙股墮落十指而亡聞旣得志且富不義之財復倚楊髡執豪奪鄉人產業後爲鄉夫二十人伺道間屠而鬻之罪不加衆各不過受杖而已其愷與楊髡分贓不平已受杖死尚有父在

輟畊錄

第四卷
九

據此說則雲溪所傳歲月絕不同蓋嘗論之至元丙子天兵下江南至己酉將十載版圖必已定法制必已明安得有一事然戊寅距丙子不三年竊恐此時庶事草創而妖髡得以肆其惡與妖髡就戮群兇接踵隕於非命天之所以禍淫者亦嚴矣但云高宗陵骨髮盡化孝宗陵頂骨小片不知唐義士所易者何骨也林義士所收者又何骨也惜余生晚不及識宋季以來老儒先生以就正其是非姑以待熟兩朝典故之人問焉

相術

國初有李國用者自北來杭能望氣占休咎能相人其人崖岸倨傲而時貴咸敬之謝后諸孫字退樂者設早饌延致至即據中位省幕官皆坐下坐不得其一言以及禍福時趙文敏公謂之七司戶與謝媼戚屈來司飯文敏公風瘡滿面李遙見即起迎謂坐客曰我過江僅見此人耳瘡愈即面君公輩記取異日官至一品名聞四海方襄陽未破時世皇命其即軍中望氣行踰三兩舍遙奏曰臣見卒伍中往往有台輔器襄陽不破江南不平置此人於何地噫李之術亦神矣國用登州人嘗爲卒遇神仙教以觀日之法

輟咩錄

第十四卷

能洞見肺腑世稱神相

前輩謙讓

延祐間興聖宮成中官李丞相邦寧傳奉太后懿旨命

趙集賢孟頫書額對曰凡禁扁皆李雪菴所書公宜

奏聞旣而命李趙偕至雪菴處雪菴曰子昂何不書而以屬吾邪李因具言之雪菴遂不固辭前輩推讓之風豈後人所可企哉

不苟取

胡汲仲先生長儒號石塘特立獨行剛介有守趙松雪嘗爲羅司徒奉鈔百錠爲先生潤筆請作乃父墓銘

先生怒曰我豈爲宦官作墓銘邪是日先生正絕糧其子以情白坐上諸客咸勸受之先生卻愈堅觀此則一毫不苟取於人從可知矣故雖凍餒有所不顧也先生送蔡如愚歸東陽詩有云薄糜不繼襖不煖謳吟猶是鍾球鳴語之曰此余秘密藏中休糧方也

論詩

虞伯生先生

集

楊仲弘先生

載

同在京日楊先生每言

伯生不能作詩虞先生載酒請問作詩之法楊先生酒既酣盡爲傾倒虞先生遂超悟其理繼有詩送袁伯長先生

楠

扈駕上都以所作詩介他人質諸楊先

輟畊錄

第十四卷

生先生曰此詩非虞伯生不能也或曰先生嘗謂伯生不能作詩何以有此曰伯生學問高余曾授以作詩法餘莫能及又以請趙魏公

孟頫

詩中有山連閣道晨留輦野散周廬夜屬橐之句公曰美則美矣若

改山爲天野爲星則尤美虞先生深服之故國朝之

詩稱虞趙楊范揭焉范即德機先生

棹

揭即曼碩先

生

儗斯

也嘗有問於虞先生曰仲弘詩如何先生曰

仲弘詩如百戰健兒德機詩如何曰德機詩如唐臨

晉帖曼碩詩如何曰曼碩詩如美女簪花先生詩如

何笑曰虞集乃漢廷老吏蓋先生未免自負公論以

爲然

賢妻致貴

程公鵬舉在宋季被虜於興元版橋張萬戶家爲奴張以虜到宦家女某氏妻之旣婚之三日即竊謂其夫曰觀君之才貌非久在人後者何不爲去計而甘心於此乎夫疑其試已也訴於張張命箠之越三日復告曰君若去必可成大器否則終爲人奴耳夫愈疑之又訴于張張命出之遂粥於市人家妻臨行以所穿繡鞵一易程一履泣而曰期執此相見矣程感悟奔歸宋時年十七八以廕補入官迨國朝統一海宇

輟咩錄

第四卷
十二

程爲陝西行省叅知政事自與妻別已三十餘年義其爲人未嘗再娶至是遣人携向之鞵履往興元訪求之市家云此婦到吾家執作甚勤遇夜未嘗解衣以寢每紡績達旦毅然莫可犯吾妻異之視如已女將半載以所成布匹償元粥鏹物乞身爲尼吾妻施貲以成其志見居城南某菴中所遣人即往尋見以曝衣爲由故遺鞵履在地尼見之詢其所從來曰吾主翁程叅政使尋其偶耳尼出鞵履示之合亟拜曰至母也尼曰鞵履復全吾之願畢矣歸見程相公與夫人爲道致意竟不再出告以叅政未嘗娶終不出

旋報程移文本令使檄興元路路官爲具禮委幙
屬李克復防護其車輿至陝西重爲夫婦焉

奇遇

揭曼碩先生未達時多游湖湘間一日泊舟江涘夜二
鼓攬衣露坐仰視明月如晝忽中流一櫂漸近舟側
中有素妝女子歛衽而起容儀甚清雅先生問曰汝
何人荅曰妾商婦也良人久不歸聞君遠來故相迎
耳因與談論皆世外恍惚事且云妾與君有夙緣非
同人間之淫奔者幸勿見卻先生深異之迨曉戀戀
不忍去臨別謂先生曰君大富貴人也亦宜自重因

輟咩錄

第四卷
十三

留詩曰盤塘江上是奴家。郎若閒時來喫茶。黃土築
牆茅蓋屋。庭前一樹紫荊花。明日舟阻風上岸沽酒
問其地。即盤塘鎮。行數步見一水仙祠。墻垣皆黃土。
中庭紫荊芬然。及登殿所設像。與夜中女子無異。余
往聞先生之姪孫立禮說及此。亦一奇事也。今先生
官至翰林侍講學士。可知神女之言不誣矣。

賢烈

戴石屏先生復古未遇時流寓江右武寧。有富家翁愛
其才。以女妻之。居二三年。忽欲作歸計。妻問其故。告
以曾娶妻白之父。父怒。妻宛曲解釋。盡以奩具贈夫。

仍餞以詞云惜多才。憐薄命。無計可留汝。揉碎花牋。忍寫斷腸句。道傍楊柳依依。千絲萬縷。抵不任一分愁緒。捉月盟言。不是夢中語。後回君若重來。不相忘處。把杯酒澆奴墳土。夫既別。遂赴水死。可謂賢烈也矣。

挽文丞相詩

宋丞相文公

天祥

其事載在史冊。雖使三尺之童。亦能

言其忠義。翰林學士徐威卿先生

世隆

有詩挽之曰

大元不殺文丞相。君義臣忠兩得之。義似漢王封齒

日。忠如蜀將斫顏時。乾坤日月華夷見。嶺海風霜草

輟畔錄

第十四卷

木知只恐史官編不盡。老夫和淚寫新詩。可謂善風

刺者矣。虞伯生先生

集

亦有詩曰。徒把金戈挽落暉。

南冠無奈北風吹。子房本爲韓仇出。諸葛安知漢祚

移。雲暗鼎湖龍去遠。月明華表鶴歸遲。何須更上新

亭飲。大不如前灑淚時。讀此二詩而不泣下者。幾希

禱雨

徃徃見蒙古人之禱雨者。非若方士然。至於印令旗劔

符圖氣訣之類。一無所用。惟取淨水一盆。浸石子數

枚而已。其大者若雞卵。小者不等。然後默持密呪。將

石子淘漉玩弄如此。良久。輒有雨。豈其靜定之功已

成特假此以愚人耳抑果異物耶石子名曰鮮荅乃走獸腹中所產獨牛馬者最妙恐亦是牛黃狗寶之屬耳

廣寒秋

虞邵菴先生

集

在翰苑時宴散散學士家歌兒郭氏順

時秀者唱今樂府其折桂令起句云博山銅細裊香風一句而兩韻名曰短柱極不易作先生愛其新奇席上偶談蜀漢事因命紙筆亦賦一曲曰鸞輿三顧茅廬漢祚難扶日莫桑榆深渡南瀛長驅西蜀力拒東吳美乎周瑜妙術悲夫關羽云殂天數盈虛造物

輟畊錄

第十四卷

乘除問汝何如早賦歸歎蓋兩字一韻比之一句兩韻者爲尤難先生之學問該博雖一時娛戲亦過人遠矣折桂令一名廣寒秋一名天香第一枝一名蟾宮引今中州之韻入聲似平聲又可作去聲所以蜀術等字皆與魚虞相近

無恙

戰國策趙威后問齊使歲無恙耶王亦無恙耶楚辭九辨曰還及君之無恙說苑魏文侯語倉庚曰擊無恙乎又曰子之君無恙乎漢書元帝詔貢禹曰今生有恙何至不已乃上䟽乞骸骨聘禮亦曰公問君賓對

公再拜鄭注云拜其無恙者顧愷之與殷仲堪踐行人安穩布帛無恙隋日本遣使稱日出處皇帝致書曰沒處皇帝無恙神異經曰北方大荒中有獸咋人則疾名曰獺獺恙也嘗入人室屋黃帝殺之人無憂疾謂之無恙爾雅曰恙憂也應劭風俗通曰上古之時草居露宿恙噬人蟲也善食人心大患苦之凡相問曰無恙恙或以爲獸或以爲蟲或謂無憂廣干祿書兼取憂及蟲事物紀原兼取憂及獸廣韻獺字下云獺獸如獅子食虎豹及人恙字下云憂也病也噬蟲善食人心是獺恙二義神異經合而一之則誤矣

輟畊錄

第四卷
十六

不亂附妾

維楊秦君昭妙年游京師其執友鄧載酒祖餞既而昇一殊色小鬟至前令拜秦因指之曰此吾爲部主事某人所買妾也幸君便航可以附達秦弗敢諾鄧作色曰縱君自得之亦不過二千五百緡耳何峻辭乃爾秦勉強從命迺至臨清天漸暄夜多蟲蚋可畏內之帳中同寢直抵都下置舍館主婦處持書往見主事問曰足下與家眷來耶曰無有主事意極不悅隨以小車取歸踰三日謁謝曰足下長者也昨已作答簡附便驛報吾鄧公且使知足下果能不孤公付

託之意矣遂相與痛飲盡歡而散夫柳下惠夜宿郭
門有女子來同宿恐其凍死坐之于懷至曉不爲亂
顏叔子獨居夜大雨有女子投之令其執燭至明不
二志故千古以爲美事今秦之於此女子也相從數
千里飲食起居無適而不同又非造次顛沛者之比
可謂厚德君子矣後秦之子孫咸至顯宦

輟耕錄

第四卷
十七

